

漢魏叢書。

易林。

漢焦贛(延壽)著
卷一。

第二冊

易林序

大凡變化象數莫逃乎易惟人之情
僞最爲難知筮者尚占憂者與處貢
明且哲乃畱其術俞巖耕東鄙自前
困蒙客有枉駕蓬廬以集辭數軸出
示俞嘗讀班史列傳及歷代名臣譜

系諸家雜說之文盛稱自夫子授易
於商瞿僅餘十輩延壽經傳於孟喜
固是同時當西漢元成之間凌夷厥
政先生或出或處輒以易道上千梁
王遂爲郡察舉詔補小黃令而邑中
隱伏之事皆預知其情得以寵異蒙

遷秩亦卒於官次所著大易通變其
卦總四千九十六題事本彌綸同歸
簡易辭假出於經史其意合於神明
但齋潔精專舉無不中而言近意遠
易識難詳不可瀆蒙以爲辭費後之
好事如君行者則子雲之書爲不朽

矣。崑聖唐會昌景虞歲周正主白靈
越之雲溪漢王俞序

易林總目

卷一

乾

坤

屯

蒙

需

訟

師

比

小畜

履

泰

否

同人

大有

謙

豫

卷二

隨

蠱

臨

觀

噬
嗑

賁

剝

復

无
妄

大
畜

頤

大
過

坎

離

卷三

咸

恒

遯

大壯

晉

明夷

家人

睽

蹇

解

損

益

夬

姤

萃

升

困

卷四

井

革

鼎

震

艮

漸

歸妹

豐

旅

巽

兌

渙

節

中孚

小過

既濟

未濟

目錄終

朱傳

小傳

國朝

易林紀驗

宣和末長慶福崔相公任州日其時晏清無事思此
聖書虔誠自卜得天過卦云典冊法書藏在蘭臺雖
遭亂漬獨不遇災之遯卦辭曰坐席未溫憂來扣門
踰牆北走兵來我後脫於虎口其時卜後十日州亂
崔相公踰牆而出家族不損無事歸京乃知此書賢
人所製初雖難會後詳無不中節見者當所重重貴
金自貴未能蒙於此書天際窮風不折斷亦開闢
紹興未完顏亮入寇時有人以篋貢易林筮遇解之

太壯其辭曰驕胡火形造惡作凶無所能成遂自滅
身其親切應驗如此雖天網淳風不能過也開闢以
來惟亮可以當之延壽著書何以知後世有亮也其
漢隼延壽傳易於孟喜行事見儒林傳中此其所著
書也費直題其前曰六十四卦變又有唐王俞序所
書每卦變六十四總四千九十六首皆爲韻語與左
氏傳載鳳凰于飛和鳴鏘鏘漢書所載大橫庚庚予
爲天王之語絕相類豈古之卜者有此等書耶沙隨

易林總評

鍾伯敬曰焦延壽用韻語作易占蓋倣古繇辭如鳳凰于飛和鳴鏘鏘之類也其語似識似謠似諷似隱似寓似脫異想幽情深文急響取其靈警奇奧可純乎四言者以存漢詩一派

又曰易林以理數立書文非所重然其筆力之高筆法之妙有數十百言所不能盡而藏裏回翔於一字一句之中寬然有餘者其鍛鍊精簡未可謂無意爲

文也

陳明卿曰易林天下奇書也好古之士與太玄竝讀
余謂太玄以有意爲奇易林以自然足貴

焦氏易林卷一

漢焦贛著

乾之第一

乾道陟多阪胡言連蹇譯瘠且聾莫使道通請謁

不行求事無功

坤招殃來螫害我邦國病傷手足不得安息

屯陽孤亢極多所恨惑車傾蓋亡身常憂惶乃得

其願雌雄相從

蒙鵠鵠鳴鵠專一無亢君子是則長受嘉福

需 目矐足動喜如其願舉家蒙寵

訟 龍馬上山絕無水泉猴焦唇乾舌不能言

師 倉盈庾億宜種黍稷年豐歲熟民人安息

一作國家

富有人民蕃息與
比之升同坤之恒

比 中夜犬吠盜在墻外神明祐助消散皆去

小畜 据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道

興坤同

否 載日晶光驟駕六龍祿命徹天封爲燕王